

## VAKUFСКА DIREKCIJA BIH: Zajimović: Na Hisetima u Banja Luci nećemo graditi kafane,

21/04/2015 15:23 by Administrator

Direktor Vakufske direkcije u BiH Senaid Zajimović rekao je da će biti bošnjačka djeca u narednom periodu dobiti vlastitu kuću u Banja Luci, u naselju Hiseta, a Islamska zajednica na toj lokaciji i moderne poslovne prostore.

Zajimović je u razgovoru za bh. novinsku agenciju [Patria](#) demantirao banjalučane koji tvrde Islamska zajednica prodaje vakufe i da ih je izdala.

Nekoliko predstavnika raseljenih banjalučana i Bošnjaka povratnika u Banja Luku tvrde da je IZ dozvolila da se na vakufskoj imovini pravi poslovna zgrada u kojoj će biti smještene kafane i noćni klubovi...

Navodno da će i lokalno mezarje biti oskrnavljeno. Kritike su uputili i na račun banjalučkog muftije Osman ef. Kozlić, optuavaju ga za netransparentnost u radu. - Drago mi je da se Banjalučani interesiraju i brinu za sudbinu svog grada pa makar i na ovaj način. Ali, naravno da se ne radi o prodaji i da takve optužbe nisu opravdane" rekao je Zajimović, objašnjavajući da se na vakufskoj imovini na Hisetima neće praviti noćni klubovi i kafane već kuća za bošnjačku djecu i stambeno-poslovna zgrada u kojoj je Islamska zajednica imati prostorije. A to se tiče mezarja, Zajimović kaže da ne samo da ono neće biti oskrnavljeno, već sasvim suprotno toj tvrdnji, mezarje će biti novim planom bitno uređeno, zaštićeno i ograđeno. Prostor predviđen za gradnju kuća i zgrade je izvan mezarlika. - Medunapomeno IZ Banja Luka je uz saglasnost Vakufske direkcije ušao u poslovni dogovor sa jednim biznismenom iz Banja Luke. Radi se o zajedničkoj investiciji gdje IZ ulaže zemljište, a partner novac i radnu snagu. Dakle, IZ i biznismen zajednički grade objekte i dijele dobiveni prostor srazmjerno ulogu. Sve dozvole, dokumentacija kao i građevinska dozvola za školski centar padaju na teret partnera. Pored stambenog objekta biće sagrađena kuća u kojoj će se školovati bošnjačka djeca" objasnio je Zajimović. On je dodao da su i napad na banjalučkog muftiju Osman ef. Kozlića takođe neosnovani i zlonamjerni. Muftija Kozlić, kaže Zajimović, ulaže mnogo i konstantno ulaže velike napore za opstanak i nesmetan život Bošnjaka u Banja Luci i okolnim mjestima. - Kad se radi o konkretnom predmetu muftija Kozlić je sve aktivnosti po ovom pitanju uskladio sa normativno-pravnim aktima koji reguliraju vakufsku problematiku, ništa nije radio bez saglasnosti Vijeća muftija i Rijaseta IZ u BiH. Zbog toga smatram da je krajnje neumjesno optuživati ga za netransparentnost u radu. Saglasnost za izgradnju kuća i zgrade na Hisetima dalo je Vijeće muftija" objašnjava Zajimović. On napominje da je intencija Vakufske direkcije iskoristiti svaki pedelj slobodnog vakufskog zemljišta i angažirati ga u društveno korisne svrhe, odnosno, kako to nalaže vakufnama. Na nekim parcelama Vakufska direkcija podiže zasade voća, dok na drugim, u saradnji sa partnerima, gradi društveno-korisne objekte. - Islamska zajednica vodi računa o svojoj imovini i nastoji je zaštititi od bespravne uzurpacije. Direktno smo uključeni u proces implementacije zakona o premjeru i katastru u RS kao i zakona o porezu na nepokretnosti. Pozivamo Bošnjake, u ovom slučaju banjalučane, da i oni vode računa o svojoj privatnoj imovini. Samo zajedno možemo sačuvati bošnjaku imovinu u RS-u, što je ključno za opstanak Bošnjaka na tom dijelu Bosne i Hercegovine" rekao je Zajimović, piše [NAP](#).

Izvor vijesti: nap.ba